



## Wat verklap jou klerekas oor jou?

Om *Blitspos* te ontvang, stuur 'n e-pos na [bladuitleg@nhk.co.za](mailto:bladuitleg@nhk.co.za) of [grafies@nhk.co.za](mailto:grafies@nhk.co.za) en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan [produksie@nhk.co.za](mailto:produksie@nhk.co.za)

Webblad van die Hervormde Kerk [www.nhka.org](http://www.nhka.org)

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

'n Paar jaar gelede het Marie Kondo se boek *The life-changing magic of tidying up: The Japanese art of decluttering and organizing* verskyn. In haar boek meen Kondo dat 'n mens, wanneer jy jou kaste uitsorteer, al jou besittings aan die volgende vraag moet onderwerp: *Bring hierdie voorwerp vreugde in my lewe?* Indien die antwoord *nee* is, is dit tyd om daarvan ontslae te raak.

'n Minimalistiese leefstyl word deur al hoe meer mense beoefen. Daar is selfs TV-programme wat wys hoe mense vragseephouers in huise omskep. Dit het alles te doen met mense se smagting na 'n eenvoudiger lewe midde-in 'n gejaagde, materialistiese wêreld. Hoewel die meeste van ons sekerlik nooit só radikaal sal minimaliseer nie, sorteer en pak ons tog van tyd tot tyd kaste reg.

'n Ruk terug is ek en my man op soek na iets wat verlê is toe ek besluit om sy klerekas in te vaar om te kyk of ek dit daar kry. Hoewel ek nie die verlore voorwerp daar opgespoor het nie, het ek wel op ander interessante vondse afgekom. Van die items wat ek ontdek het, is onder andere 'n laken (wat eintlik in die linnekas hoort), *Stasoft* (wat sonder my medewete uit die opwas geneem is), en dit wat my veral opgewonde gehad het – koeverte met geld (wat hy kry wanneer hy begrafnisse lei). Aan die sentimentele kant was daar ook 'n Bybel met notas en aantekeninge en kerkblaadjies uit sy skooldae. Verder is sy klerekas onberispelik – alles perfek opgevou en ingepak, nes die perfeksionis wat hy is.

Dit het my weer laat besef dat dit wat ons in ons kaste het, en selfs die manier waarop ons ons kaste pak en organiseer, baie verklap van ons persoonlikheid. So bult al my kaste van oorvol wees en hoewel ek my klere opvou, doen ek dit blykbaar nie netjies genoeg nie, want my kaste lyk alewig deurmekaar. Dit het seker ook te make met my filosofie dat 'n mens eerder alles in die kaste indruk as wat dit rondstaan en jou plek onnet laat lyk.

Verlede jaar sorteer ek en my ma bejaarde lidmate se woonstel uit nadat die tannie oorlede is en die oom ouetehuis toe getrek het. Wanneer 'n mens iemand se kaste en huis so oppak, leer 'n mens daardie persoon op 'n intieme wyse ken. Soos wat ons deur hul besittings sorteer, kon ons sien dat hulle gelowige mense was, wat vir hulle kosbaar en spesiaal was, wat hul belangstellings en stokperdjies was. 'n Mens sien watter seer daar in hul lewe was, watter drome en planne hulle gehad het wat nooit verwesenlik is nie, en ook watter herinneringe hulle gekoester het.

So beland die tasbare herinneringe van 'n mens se lewe en ervaringe in die een of ander stadium in 'n laai of kas. Volgende keer wanneer jy weer jou kaste uitsorteer, haal daardie aandenking uit, kyk daarna, wees dankbaar vir die herinneringe en koester dit in jou hart, want: *Wysheid saam met besittings is goed; dit is 'n voordeel vir elkeen wat leef* (Pred 7: 11).

**Ds Marina Kok-Pretorius, Potchefstroom**

## Lief en leed

- **Die volgende predikante verjaar tot 22 Julie, en word hartlik geluk gewens:**
  - Vrydag 15 Julie: Ds JW (Janine) Fourie (31) (beroepafwagting)
  - Saterdag 16 Julie: Di JT (Jimmy) Manders (52) (Witfontein), JAC (Jan) Rossouw (72) (emeritus) en WPF (Piet) van Wyk (74) (emeritus)
  - Sondag 17 Julie: Di W (Willem) Dykema (40) (Windhoek), JJ (Johan) Greyling (46) (Magaliesburg/Tarlton) en JF (Hannes) van der Merwe (56) (Pretoria-Oos)
  - Woensdag 20 Julie: Ds MM (Mari) du Plessis-Manders (40) (buiteland – VSA)
  - Donderdag 21 Julie: Dr AJ (Adam) Zwarts (91) (emeritus) en ds JA (Hannes) Jansen van Rensburg (50) (Emmaus Kenleaf)

## Gemeentes en bediening



Ds Lilian Erasmus

- **Ds LK (Lilian) Erasmus** (Wonderboom-benoeming) het die beroep na Wonderboom aanvaar.
- Instansies wat **uitstallings tydens die AKV** wil opstel, kan **dr Wouter van Wyk** voor die **einde van Julie 2022** kontak by [wouter@nhk.co.za](mailto:wouter@nhk.co.za). Kerkverwante uitstallers kan dit gratis doen, terwyl die koste vir kommersiële uitstallers R1 000 beloop vir die duur van die AKV (van 2 tot 6 Oktober 2022).
- **Gemeente Stellenbosch** vier vanjaar hul **50ste bestaansjaar** en nooi al die vorige predikante, oudlidmate en ander belangstellendes na die **Feesdiens op Sondag 24 Julie** om 11:00. U is ook welkom om **Saterdag 23 Julie** by hul **Potjiekosdag** op 'n nabygeleë wynplaas te kom saamkuier. Navrae kan gerig word aan dr Chris le Roux by [cleroux@mweb.co.za](mailto:cleroux@mweb.co.za).

## Studeer Teologie in 2023

Matrikulante en enige ander belangstellendes wat graag predikante in die Hervormde Kerk wil word en in 2023 Teologie wil studeer, is welkom om nou aansoek te doen om as student van die Kerk te studeer.

Die evaluasiegesprekke sal in die laaste week van Julie 2022 plaasvind. Aansoeke moet die Kuratorium asseblief nie later nie as 22 Julie 2022 bereik.

Kry aansoekvorms by die voorsitter van die Kuratorium dr Rudy Denton ([rudydenton@outlook.com](mailto:rudydenton@outlook.com)) en mev Clarika Hattingh ([clarikah@nhk.co.za](mailto:clarikah@nhk.co.za)).

NHKA  
NEDERDUITSCH HERVORMDE KERK VAN AFRIKA



- **VAKANTE WERKRUIMTE: Gemeentes Goudveld, Odendaalsrus en Kroonstad.** Kom leef jou roeping uit as predikant in die Vrystaatse Goudvelde. **Gemeente Goudveld**, gesetel in Welkom, is vakant. Die kerkraad was in 'n bestaande ooreenkoms met **Gemeente Kroonstad**. Deur sy voelers wyer te strek, het **Gemeente Odendaalsrus** ook besluit om deel te word van die pakt. So het daar 'n drieledige ooreenkoms tot stand gekom. (Dit mag wees dat ander gemeentes binne die Vrystaatse Goudvelde later deel kan word van hierdie pakt.) Die ooreenkoms stel die kerkraad van die NHKA se Gemeente Goudveld in staat om 'n **voltydse leraar** te beroep.

Belangstellende geordende en/of gelegitimeerde predikante vir wie die etos van die NHKA belangrik is en wat kerkordelik in dié Kerk predikant kan en mag wees, word uitgenooi om hulself as geroepenes beskikbaar te maak vir hierdie bedieningsruimte. Kontak hiervoor asseblief die voorsitter van die Beroepskommissie (Lydia) of die sekretariële beampte

(Daniël) **voor of op 30 Julie 2022**. Met die oog op die samestelling van 'n groslys, mag dit moontlik wees dat belangstellendes uitgenooi kan word tot 'n gesprek en/of vir die lei van 'n erediens. Die kerkraad behou hom die reg voor om nie verplig te wees om enige van die belangstellendes te beroep nie. Alle belangstellendes sal in kennis gestel word van die uitkoms.

### **Voorsitter van Beroepskommissie**

Lydia McIntyre 071 471 4514

### **Sekretariële Beampte**

Daniël Pieterse 076 473 9045

Gemeentekantoor 071 647 6587

E-pos: [welkomnedherv@gmail.com](mailto:welkomnedherv@gmail.com)



## **Vergaderings**

- Donderdag 14 Julie: Rata Finkom
- Saterdag 16 Julie: NHSV Dagbestuur
- Maandag 18 Julie: Beleggingskomitee
- Woensdag 20 Julie: DPS en Plesion Finkom
- Donderdag 21 Julie: ADV-webinaar: Visie van die Kommissie van die ADV

## **Kerklike publikasies**

- **Die Hervormer** wil graag 'n **foto-artikel** plaas oor gemeentes se hantering van die afgelope twee jaar se Covid-regulasies. Stuur foto's van erediens waar lidmate met gesigsmaskers aan die diens deelneem, saam buite die kerkgebou kuier, of ander byeenkomste soos vergaderings en roudienste bywoon, asook foto's van predikante wat opnames maak. Kort vertellings is ook welkom. Stuur die foto's en tekste asseblief aan mev Tessa Oppermann by [produksie@nhk.co.za](mailto:produksie@nhk.co.za).

## **Studentesake**

- **Studentebehuising vir 2022. Gemeente Philadelphia** verskaf aan studente veilige behuising by Fleur de Lis op die kerkterrein. Dit bestaan uit enkelkamers met gedeelde fasiliteite. Die behuising is binne stapafstand van die kampus en winkelsentrums. Skakel dr Sanrie de Beer by 083 226 1866 of stuur 'n e-pos na [nhkphiladelphia@gmail.com](mailto:nhkphiladelphia@gmail.com) vir meer inligting.
- **Studentebehuising vir 2022. Gemeente Stellenbosch** kan veilige behuising op die kerkterrein en op die kampus aan studente verskaf. Dit bestaan uit óf enkelkamers met gedeelde fasiliteite, óf eenmensewoonstelle. Skakel dr Chris le Roux by 079 495 3239 of stuur 'n e-pos na [stellenbosch@nhk.co.za](mailto:stellenbosch@nhk.co.za) vir meer inligting.

## Toerusting

- Gaan na <https://lalasini.co.za/om/index.html> om die nuwe gratis, tweetalige, **aanlyn tydskrif *Lalasini*** te geniet. **Dr Piet van Staden** (emeritus/Worcester) is die redakteur. Die redaksie streef na Cicero se *ruimheid van gees (nobilitas animi)*, wat die beste in mense na vore bring. Lees in hierdie uitgawe artikels oor onder meer die Klein-Karoo, Wakkerstroom, Sutherland, en die Afrikaanse Taalmuseum en -monument.
- Die **Sentrum vir Gemeentelike Bediening (SGB)** bied die **IMG-kursus** (Inleiding tot Missionale Gemeentewees) gratis oor 'n periode van ses weke aan. Dit sal via Zoom plaasvind, daaglik van 09:00 tot 11:00, en wel op die volgende datums:
  - Die herontdekking van God se missie: 28 Julie
  - Die herontdekking van missionaliteit in 'n veranderende wêreld: 4 Augustus
  - Die herontdekking van die missionale aard van die gemeente: 11 Augustus
  - Die herontdekking van dissipelskap: 18 Augustus
  - Die herontdekking van missionale spiritualiteit: 25 Augustus
  - Die herontdekking van missionale luister in die gemeenskap: 1 September

Join Zoom Meeting

<https://us02web.zoom.us/j/9427689935?pwd=d3d3K1N1cDU0a1pIZCtjSS9ZSFY4dz09>

Meeting ID: 942 768 9935

Passcode: SGB

Navrae: Dr Frikkie Labuschagne by [karen@nhk.co.za](mailto:karen@nhk.co.za).

## 'n Gedig

### Jan

Terwyl sy vir haar gesin 'n broodjie  
van water en witmeel maak,  
dink sy weer aan 'n man met die naam  
Jan. Hoe hy eens op 'n tyd 'n baadjie  
gedra het van bruin riffelferweel  
en die woord *dadelik*  
stukkend gebreek het tot drie enkelklanke  
een dodelike stormdonker dag. So: daa de lik –  
en sy gedink het, aanvanklik, sy stil blik  
is onskadelik. Sy plaas die pan  
in die oond en gaan na die hoofslaapkamer.  
Baie stadig kam sy haar hare  
terwyl sy deur die raam  
na die sonsondergang staar.  
So baie herinneringe,  
so baie baie herinneringe deur so baie jare  
van haar bestaan,  
aan 'n man met die naam

Jan –

### Ina Rousseau

(Uit: *Die stil middelpunt: 'n keur, met nuwe gedigte*, 2003)

## Fondsinsamelings

- **Saterdag 6 Augustus: Gemeente Hartebeestpoort (Brits) Bergfietswedren**  
Keuse van 3 afstande: 36 km, 91 km, 156 km  
Plek: Brits-vliegveld  
Tyd: Begin om 07:00  
Aanlyn inskrywings kan gedoen word  
Vir navrae, kontak Michiel Ras by 072 605 1393  
Lourens van der Merwe by 082 809 3947  
Mias van der Merwe by 083 320 2466  
Webwerf vir meer inligting en inskrywings:  
<https://bosveldmtb.nhkhartebeestpoort.org.za/>  
of ook onder “Bike Hub”
- **Rata se Gholfdag ten bate van Kinderbeskerming.** Rata Maatskaplike Dienste se jaarlikse Gholfdag vind vanjaar op **23 Augustus by Silver Lakes Golf & Wildlife Estate** plaas – dit is hul agtste Gholfdag. Rata vra vir ondersteuning in die vorm van vierbalinskrywings, borgskappe en pryse. Inskrywingsvorme, borgskapvorme en meer inligting kan aangevra word van Annelie by [info@rata.org.za](mailto:info@rata.org.za) of 064 437 5997.
- Rata **DRIVE for a CHILD Gholfdag-kompetisie.** Ondersteun kinderbeskerming en staan ’n kans om ’n **VIERBAL ter waarde van R4 600** te wen by Rata se Gholfdag op 23 Augustus. Vierbal, twee gholfkarretjies, middagete en aandete by die prysuitdeling ingesluit. **Inskrywingsfooi slegs R100.** Stuur asseblief bewys van elektroniese betaling aan [fin@rata.org.za](mailto:fin@rata.org.za). Kontak Annelie by 064 437 5997 vir meer inligting.  
**Bankbesonderhede**  
Rata  
Absa tjekrekening 020 600 209  
Takkode 632 005
- **Oornagfasiliteite: Seniordal.** Seniordal beskik oor oornagfasiliteite wat ideaal is vir persone wat vergaderings, die AKV of kongresse moet bywoon, of wat dokters moet besoek, of verblyf benodig vir familie van persone wat in die hospitaal is. Daar is veilige parkering en 24-uur-sekuriteit. **Vir navrae oor tariewe en vir besprekings**, kontak Salomie Stolz gedurende kantoorure 08:00-12:00 by 012 329 4318, of na ure by 083 308 0520.

## Allegaartjie

“Daar is die frustrasie en daar is woede, maar daar is ook vir my ’n baie vreemde gelatenheid; iets van: Dit is nou maar hoe dit is; ons het nou nie krag nie; dis donker en koud en ons kan nêrens heen gaan nie, maar ekself kan niks daaraan doen nie, so kom ons maak nou die beste van ’n slegte saak. Ek sien ’n ossillasie tussen absolute magtelose woede en ’n sekere tam gelatenheid, en ek weet nie watter een die ergste is nie. Albei is uit ’n sielkundige oogpunt sleg, want ons moenie net goed aanvaar nie, en dit help ook nie, en woede is net goed as dit in produktiewe aksie omgesit word – in hierdie geval is daar baie min wat ’n mens kan doen met jou woede.” (Prof Lou-Marié Kruger, kliniese sielkundige en professor in sielkunde aan die Universiteit van Stellenbosch, in *Beeld: By*, Saterdag 9 Julie 2022)

## Barmhartigheid

- **VAKATURE: Pleegouers vir DPS-huis Ninapark**  
**Aanstellingsdatum: 1 Januarie 2023**  
**Sluitingsdatum vir aansoeke: 31 Julie 2022**  
Huisouers vir 6 seuns wat deur die Kinderhof geplaas is  
Verantwoordelik vir hul fisiese, emosionele en skolastiese hantering  
Saam met multidissiplinêre span, insluitende maatskaplike werkers

**Wie kan aansoek doen?** Persone tussen ouderdomme van 30 en 55 jaar; verkieslik ’n

getroude egpaar; persone van ander kerkgroepe met dieselfde Christelike grondslag as die NHKA kan aansoek doen; moet vir tydperk van aanstelling wel inskakel by die betrokke NHKA-gemeente; moet bereid wees om psigometriese toetse te ondergaan.

**Pakket:** Benewens 'n maandelikse kontantvergoeding, word gratis inwoning in die DPS-huis ook ingesluit.

**Kwalifikasies:** Met aanstelling sal persone opleiding ontvang in Ontwikkelingstrauma.

**Indien u belangstel, kontak die volgende:**

Mnr Otto Viljoen: 079 495 2007 / 060 968 4907 / [kinderhuise@nhk.co.za](mailto:kinderhuise@nhk.co.za)

Mev Suzanne van Deventer: 066 477 8904 / [suzanne@rata.org.za](mailto:suzanne@rata.org.za)

Mev Kotie van Niekerk: 060 968 4906 / [kotie@rata.org.za](mailto:kotie@rata.org.za)

**Webtuiste:** <https://pleegsorg.org.za/>

**Facebook:** DPS Huise

- **Athalia Uitreik in Bloemfontein**

**Verblyf vir en versorging van bejaardes en gestremdes**

Enkel- en deerkamergeriewe in 'n huislike atmosfeer

Verblyf met 3 etes ingesluit

Verblyf sonder versorging R1 700 per maand

24-uur-versorging onderhandelbaar

(maksimum R8 000 per maand deerkamer)

Navrae: 079 826 6363 / 084 023 0315 / 051 522 6089

[navrae@athalia.co.za](mailto:navrae@athalia.co.za)

[www.athalia.co.za](http://www.athalia.co.za)

- **Louis Trichardt-behuisingskompleks vir bejaardes** in Danville, Pretoria, bied kamergeriewe met drie etes per dag teen R4 435 per maand. Vir meer inligting, kontak mev Vicky Muller by 012 386 5310.

- **Ons Tuis (Andries Marié Oosthuizen) in Parys** het tans plek beskikbaar in die tehuse vir versorging van verswakte bejaardes teen R9 760 per maand. 'n Volledige versorgingsfasiliteit sluit in 24-uur-versorging, drie maaltye per dag en sekuriteit. Behuisingsfasiliteite teen R5 990 per maand is ook beskikbaar op dieselfde perseel; dit sluit drie etes en weeklikse wasgoed en skoonmaak van kamers in asook gratis deelname aan sosiale programme. Vir meer besonderhede, skakel matrone Teresa Broodryk by 056 811 2185.

- **Seniordal-aftreeoord**

Seniordal is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in Rietondale, Pretoria, wat bekend is as 'n stil, veilige, boomryke omgewing en 'n voëlparadys. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:

Enkelwoonstel (*Bachelor*): R510 000

Eenslaapkamer: R515 000

1½-slaapkamer: R520 000

Tweeslaapkamer: R560 000

Navrae: Salomie Stolz 012 329 4318 / 083 308 0520



## Betaalde advertensies in hierdie nuusbrief

**Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbrief geplaas word. (Tekskennisgewings van gemeentes is gratis.)** Indien 'n jpg-weergawe van die advertensie voorsien word, moet dit **15,5 cm breed x 6,5 cm hoog wees, resolusie 1878 x 815 pixels, 150-300 dpi.**

Stuur die voorgestelde **teks van nie meer nie as 75 woorde** met of sonder eenvoudige grafika of 'n foto saam met die bewys van betaling aan mev Tessa Oppermann, per e-pos na **produksie@nhk.co.za**. GEEN advertensie sal geplaas word sonder die betalingsbewys nie.

Die **teks en bewys van betaling** moet mev Oppermann bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend afgehandel en teen die middag op die webblad gelaai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasings.

**Die koste is R250 per plasing (BTW ingesluit).** Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**

## Gebed vir die week

Heer,  
ek glo dat U my geskape het  
vir 'n spesiale doel  
en dat U 'n volmaakte plan het  
vir my lewe.

Ek vra dat U u doel met my sal bereik,  
en dat U my sal help om my deel te doen  
deur elke dag ernstig na U te soek  
in gebed en met u Woord.

Dankie dat U my sal lei  
langs die beste paaie vir my lewe,  
elke dag, terwyl ek na U soek.

In Jesus se Naam.

Amen.

[za.pinterest.com](https://za.pinterest.com)

(Afrikaanse verwerking: Tessa Oppermann)